



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

**Parisiis, 1644**

XLIV. Epistola Synodi Myrensis, Ad Leonem Imperatorem. Christo  
amantissimo, victori atque triumphatori, & a sancta Trinitate seruato  
imperatorii Leoni, Synodus quæ per sanctionem vestræ maiestatis in ...

**urn:nbn:de:hbz:466:1-14887**

vera comperiuntur, sicut asserunt reuerendissimi episcopi qui ea suppliciter obtulerunt; extraneus ab omni sacerdotali honore & pia Canonum integritate dignoscitur, sicut nos humiles valemus inspicere. Omnis enim causa eius in iudicio & probatione vestri pendet imperii, & integritate sanctorum summorumque patrum, quibus & nos humiles iustum est obedire propter maximam eorum scientiam ac sapientiam, subtiliter talia iudicare valentium. Nobis autem dari veniam a vestra potestate poscimus, si quid ut homines in his literis incaute suggestimus. Inuitati enim, aut potius iussi, & quod maius est, coniu-rati, hæc scribere vestra tranquillitati præsumpsimus.

Epiphanius Pergenæ ciuitatis episcopus, incolumem pietatem vestram Dei ecclesiis & Romano imperio in Christo opto seruari semper, piissime & Christo amabilis imperator.

\* Ephesius episcopus Comanenus, similiter.

Porphyrius episcopus Palæopoleos, similiter.

Diodotus episcopus Lyfinesis, similiter.

Polæmon episcopus Tebennorum, similiter.

Miccus episcopus Hadrianopolis, similiter.

Maras episcopus Codri, similiter.

Neon episcopus Gilsatenus, similiter.

Paulus episcopus Puglensis, similiter.

Martinus episcopus Pellensis, similiter.

\* Hierius episcopus Panemotici, similiter.

Ioannes episcopus Ariassi, similiter.

Theofebius episcopus Maximianopolis, similiter.

Auxentius episcopus Termisæ, similiter.

Innocentius episcopus Eudoxianus, similiter.

## XLIV.

## EPISTOLA

## SYNODI MYRENSIS,

## AD LEONEM IMPERATOREM.

*Christo amantissimo, victori atque triumphatori, & a sancta Trinitate seruato imperatori Leoni, Synodus quæ per sanctionem vestra maiestatis in Myrena metropoli vestrae Lyciæ prouinciæ congregata est.*

**L**ITERAS tranquillitatis vestrae suscepimus per Brane-mundum magistrinum, plenas fide ac pietate, zeloque iustitiæ & agnitionis Dei. Manum itaque tuam com-

modaturus Christo, sacerdotes cooperatorios aduocasti:  
 & pro orthodoxa religione propugnaturus, præfules eius  
 socios tibi in dimicationibus adesse decreuisti: & sanctio-  
 nes ecclesiasticas regulasque sanctorum patrum contem-  
 ptas agnoscens, eos qui hæc orant inuiolabiliter conser-  
 uari, ad defensionem concurrere præcepisti: pontificif-  
 que necem vlciscens, sicut Moyses maximus, per syllabas  
 sacras pene clamare visus es: *Qui est Domini, veniat ad me.* Exod. 32.  
 Sed & preces criminibus cumulas suscipiens, vindi-  
 ctam interim suspendisti, vt cum iuste reum punire vide-  
 reris, & iudices ad hoc constituisti orthodoxos totius or-  
 bis episcopos; vt apud omnes iudicatus, quasi præfens ab  
 omnibus iustam videretur ferre sententiam ille qui cun-  
 ctos in eo qui inique necatus est, vexasse cognoscitur au-  
 ditores. Singulos autem a ciuitate propria non traxisti, ne  
 forsitan euocationem quasi violentiam is qui euocabatur,  
 accusaret: sed permisisti, tamquam compatiens vniuer-  
 sis, vt consistentes in prouincia iudicarent, quatenus sa-  
 tisfactione careat, quisquis post hæc forte suam voluerit  
 mutare sententiam. Igitur & nos, o Christo amabilis, &  
 qui imperium a Christo sortitus es, in tuis consiliis exul-  
 tamus, videntes te pro orthodoxa fide ita feruentissime  
 laborantem: Deumque propter perpetuam vestram ma-  
 iestatem deprecamur, vt longo tempore vestrum nobis  
 conferuet imperium, & nequaquam alii subiecti esse vi-  
 deamur. Sugerimus igitur, quia de singulis quæ in sacris  
 literis vestris continentur, lectio apud nos cum laudibus  
 celebrata est atque lætitia: sed precum cognitio eisdem  
 literis subditarum, nostra gaudia violauit, Christo amabi-  
 lis & triumphabilis imperator. Tremor enim & terror re-  
 ctæ singulorum corda commouit, & fontes lacrymarum  
 de pupillis oculorum valde fluxerunt, fletibus etiam ge-  
 næ rigatæ sunt, procellæque malorum, & multa iacula ca-  
 lamitatum subinde reuelata sunt, & amara nuntia alia  
 crudelia præuenerunt. Et donec audiremus quidem, quia  
 viuente adhuc nostro sacerdote ordinatus est, cognoui-  
 mus quia velut adulteri filius, sic Abessalom impudenter 2. Reg. 16.  
 insurrexit in patrem, & sponsam viui genitoris abripuit,  
 & quia nefande semetipsum constituit & irregulariter sa-  
 cerdotem. Quasi pelagi tempestate commota, ea quæ a

populo inconsiderate fiunt, ad modicum quidem præua-  
lent, tempore vero superueniente soluuntur. Cum vero  
audissemus & necem præcedentem lectionem, & in ve-  
nerabilibus locis factam, & bestiarum modo laceratio-  
nem corporis perpetratam, & mortui nefandas iniurias,  
& membrorum humanorum crudelissimas sectiones, &  
exusti corporis cinerem, & nullam compassionem Timo-  
theum, aut auersionem, aut odium habuisse contra huius-  
modi præsumptores, cum oportuerit eum mox dare lo-  
cum, vt aliena violentia magis quam eius proposito hæc  
facta monstrarentur; sed potius eum festiuitatem cum eis  
celebrasse: tunc exiliuimus, & vultum, secundum quod  
scriptum est, tristem habentes atque demissum, & vtram-  
que manum ad inuicem conferentes, atque dicentes:

Isa. 49.

*Oblitus est nostri Dominus, reliquit nos Dominus.* Quid iam nos  
sacerdotes faciemus? Quomodo pastores, cum mercena-  
rium vidimus greges ita dispergere? Quomodo compa-  
tientes, cum hæc examinari minime supplicamus? Quo-  
modo reuerendi, qui cultum sancti baptismatis obscura-  
tum despiciamus? Quomodo ecclesiæ præfules, nefandum  
adulterium reticentes? Quomodo exemplum fidelium,  
cum paternarum regularum custodes in temporibus pie-  
tatis ecclesiæ fluctuantur? Tranquillitas diuinæ scientiæ  
continet vniuersa, & naus orthodoxorum duceretur  
forsitan in profundum, nisi imperator pius existeret, pro  
purpura virtutibus fulgens, armis vtens aduersus hostes  
venerabili cruce, & hac vocatus appellatione, qua per

Genes. 49.

clementiam Christus vocari dignatus est: *Recubans, inquit,  
soporatus est sicut leo.* Oportebat tunc secundum prophe-

Jerem. 9.

tæ Ieremiæ vocem, nouissimum quærere locum, & die  
nocturne ea quæ sunt commissa lugere. Non enim vna  
est mulier, secundum historiam, quæ iniustitiam & vim  
pertulisse dinoscitur. Breuiter itaque, Christo amabilis  
imperator, historiam quoque audire dignare. Aliquando

Iudic. 19.

Leuita vir violentiam passus in coniuge, & contumeliam  
ferre non valens, & iniuriam sceleris immensam esse con-  
spiciens, dum mulier mane mortua fuisset inuenta, plu-  
rimis contumeliam inferentibus, diuidens eam in vnde-  
cim partes, vndecim Israel tribubus destinavit: & pro-  
pterea vndecim & non duodecim, quia vnã tribum  
sciebat

ANNO  
 CHRISTI  
 451.

sciebat iniuriosos & luxuriosos habere viros. Tunc om- Indic. 20.  
 nes vndique ad vltionem velocissime concurrerunt, pro  
 literis mulieris membra suscipientes, & velut inimicos  
 fratres proprios expugnantes, dum tanti sceleris præsum-  
 ptio atque mortis, dilectionem cognationis excluderet.  
 Insuper etiam anathematizauerunt eos, ne sponsam ab  
 eis sumerent, aut darent sponsum eis: & nisi remedium  
 sapientiæ fuisset post hæc inuentum, etiam nomen tribus Indic. 21.  
 Benjamin esset ablatum. Ea siquidem quæ nunc gesta  
 sunt, illis comparata, crudelitate maiora sunt. Non enim  
 vna ecclesia hanc pertulit læsionem, nec vnus sacerdos  
 occisus est; sed omnis ecclesia, & omnis pontifex est ne- 1. Cor. 10.  
 12.  
 catus (vnum enim, secundum beati Pauli vocem, om-  
 nes pariter sumus, & vnum membrum, & fratres, vnum Ephes. 4.  
 habemus caput Christum: ) Ecclesiasticæ sanctiones &  
 constituta conculcata, regulæ sanctorum patrum sprete  
 sunt. Dominus totius orbis terrarum Christus, nutritor  
 pietatis, & orthodoxæ fidei propugnator, occasionem  
 dedit loquendi coram regibus, & non timendi. Antiqui Luc. 20.  
 iura loquebantur etiam audire nolentibus. Ipse autem,  
 mitissime atque clemens, nostras imbuuit aures, vt ma- 1. Jo. 5.  
 lum tamquam malum notemus: *Væ, inquit, qui dicitis ma-  
 lum bonum, & amarum dulce.* Ad iustam igitur indignatio-  
 nem, rogamus, excitamus atque supplicamus, vt baptiste-  
 ria & altaria, sacerdotium, regulas vindices patrum, sce-  
 leris domino feruentissime vltio, prouideas ecclesiis Salua-  
 toris quietem. Quantum enim ex lectione precum & sce-  
 lerum commissorum, quæ illic referuntur, agnouimus,  
 mercenarius, & non pastor, probatus est Timotheus. Oc-  
 culte namque, latrocinanter, & non regulariter per ianuas  
 sanctarum regularum ad ouium caulas ingressus est. Adul-  
 ter Timotheus, viuo adhuc sponso, in eius sedem vefa-  
 nissimus insiliuit. Homicida Timotheus: particeps est e-  
 nim eorum qui suum spiritalem patrem & Christum im-  
 placabiliter lacerarunt. Sacerdotio indignus Timotheus:  
 abripuit enim, non accepit, honorem. Incredulo peior  
 Timotheus: negat enim sanctum Calchedonense Con-  
 cilium, sicut per eos quos destinauit, scripsisse dinosci-  
 tur, quod nullo modo a decreto sanctorum patrum in  
 Nicæa conuenientium, Dei vtique & hominum celebra-

to timore, discordat. Cui enim eorum qui ibidem congregati sunt, sicut sub Dioscoro in Epheso aduersus bonæ memoriæ Flavianum, terror illatus est, qui, sicut ibi, dextera calamum figens, atque digito demonstrans eos qui ante ianuas obseruabant, aliquid reclamauit, aut plagas forte sustinuit? Nullus per subsellia semetipsum abscondit, fugiens subscriptionis iniquitatem. Hic nouum nil audiimus: (nam neque consentire poteramus.) Quæ tradiderunt nobis ab initio inspectores & ministri Verbi, trecenti decem & octo sancti patres qui in Nicæa conuenerunt, & Constantinopoli, aut qui in Epheso venerande collecti sunt, hæc in nobis ipsi, & dudum in Calchedone per nos obsequauimus: & non hæc in aerem & inaniter sunt soluta, Christo amabilis imperator. Sed etiam his literis mox ad vestram tranquillitatem visum, & pene lacrymis nostram supplicationem, non atramento, conscripsimus, rogantes & supplicantes, & tamquam prostrati præsentibus, vt non sinatis inimicos ecclesiæ sanctas Dei ecclesias conturbare: sed & faciatis eas sub quiete consistere, & occasionem fieri Synodum requirentibus abscindatis. In nullo enim discordamus in rebus, in quibus est nobis satisfactum, aut de fide saluberrima dubitamus: & si quis annuntiauerit nobis præter quod accepimus, anathema sit. Expellite, secundum quod scriptum est, de Concilio pestilentiam, & virum sanguinum auferte de medio, & sacerdotes qui persecutionem iniuste passi sunt, tamquam pii vestro more protegite, ecclesiis proprios sponso redonate, & monasteria congregate, & sudores sanctæ memoriæ Athanasii & Theophili & Cyrilli, qui orthodoxæ fidei principes extiterunt, nequaquam inutiles esse permittite: & Proterium sanctæ memoriæ, qui mediator Dei fuit & hominum, magna voce clamitantem clementer audite. Celare enim eius sanguinem, sicut Zachariæ, terra non patitur, ne iterum celans secunda vice maledicatur.

Petrus misericordia Dei episcopus Myrenæ metropolis sanctæ Dei ecclesiæ, subscribens retuli. Incolumem in Christo longo tempore maiestatem vestræ pietatis oro.

Eudoxius episcopus Chomatenus, similiter.

Cyrinus episcopus Patarenus, similiter.

ANNO  
CHRISTE  
431.

Stephanus episcopus Limyrenus, similiter.  
 Eudoxius episcopus Acalandenus, similiter.  
 Leontius episcopus Araxenus, similiter.  
 Andreas episcopus Tloæorum, similiter.  
 Nicolaus episcopus Acrassenus, similiter.  
 Athanasius episcopus Xanthenfis, similiter.  
 Hypatius episcopus Sidymensis, similiter.  
 Pannitius episcopus Ascandenus, similiter.  
 Anatolius episcopus Olympiensis, similiter.  
 Cyrinus episcopus Oeneandenus, similiter.  
 Nicolaus episcopus Gaunenus, similiter.  
 Aquilinus episcopus Padullenus, similiter.  
 Nicolaus episcopus Balburenus, similiter.  
 Aristodemus episcopus Phafelitanus, similiter.  
 Eustathius presbyter subscripsi pro Theodoro episcopo Antiphel-  
 lensi, & manibus dolente.  
 Carporus presbyter subscripsi in loco Palladii episcopi Corydalla-  
 ni, similiter.  
 Gelasius presbyter subscripsi in loco Romani episcopi Bunensis  
 ciuitatis, similiter.  
 Nicolaus archidiaconus subscripsi in loco Heliodori episcopi Na-  
 rensis, similiter.  
 Timasius presbyter subscripsi in loco Leontii episcopi Calindeni,  
 similiter.

XLV.

EPISTOLA

AGAPITI EPISCOPI,  
 AD LEONEM IMPERATOREM.

*Domino Christo amabili atque victori Leoni, Agapitus miseri-  
 cordia Dei Christi episcopus vestræ Rhodi.*

**D**ESUPER scepra regni suscipiens, sacratissime & in-  
 ducitissime principum, pro munere vestræ pietati  
 collato, Deum caelestem regem primitiis decentibus ho-  
 norastis. Prima enim oblatio & acceptabile sacrificium est,  
 vt auriga mundi & princeps totius orbis qui sub sole con-  
 sistit, adoranda Trinitatis fidem seruet incolumem, &  
 doceat ex his quæ facit & colit, timere & homines Deum,  
 & talia sectari, per quæ nostrum seruetur genus, & cogi-  
 tare pro communi republica & totius populi disciplina:  
 quatenus optima causa pacis & nomen vbique præcellat  
 & vigeat, & non instar bestiarum contra suum genus ho-  
 mines singuli rabiem feritatis exerceant. His itaque bonis

*Concil. Tom. 9.*

V u ij